

Վարչական իրավախախտման գործով գանգատն առանց
բավարարման, իսկ որոշումն անփոփոխ թողնելու մասին

04.02.2019թ. 17-2-403
04.02.19թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյանս, վերանայելով Գոռ Մանգասարյանի ահազանգի շուրջ ստեղծված
նյութերը,

Պ Ա Ր Զ Ե Ց Ի`

2019թ. հունվարի 14-ին Դիլիջան քաղաքի Շահումյան փողոցի 28 շենքի 25
բնակարանի բնակիչ Գ.Մանգասարյանը ահազանգել է Երևան քաղաքի վարչության ՕԿԿ
և հայտնել, որ Վ.Պողոսյանի գյուղի հատվածում իրեն կանգնեցրել են 2311 կողային համարի
ծառայողական ավտոմեքենայով ծառայություն իրականացնող տեսուչները և
ցանկանում են տուգանել 89կմ/ժ արագությամբ երթևեկելու համար, սակայն
ճանապարհին բացակայում են թույլատրելի արագության վերաբերյալ նշանները:

Ահազանգի ուսումնասիրությամբ պարզվել է, որ 2019թ. հունվարի 14-ին ժամը 17.36-
ին Կոտայքի մարզի Վերին Պողոսյանի գյուղի տարածքում Գ.Մանգասարյանի վարած
«Վոլկսվագեն» մակնիշի 35 SD 463 հաշվառման համարանիշի ավտոմոբիլը կանգնեցվել
է ճանապարհային ոստիկանության ԳՊԾ 2-րդ սպայական գումարտակի 3-րդ
սպայական վաշտի 1-ին սպայական դասակի տեսուչներ, ոստիկանության կապիտաններ
Գ.Մարտիրոսյանի և Է.Աղաբեկյանի կողմից ԳԵԿ-ի խախտման համար, այն է՝ վարորդը
բնակավայրում երթևեկել է 89կմ/ժ արագությամբ, այսինքն՝ հաշվանցելով 10կմ/ժ-ը՝
գերազանցել է թույլատրելի արագությունը 19կմ/ժ-ով: Վարորդի նկատմամբ կազմվել է
վարչական իրավախախտման վերաբերյալ արձանագրություն և, համաձայն ՀՀ ՎՊ
օրենսգրքի 124.4 հոդվածի 2-րդ մասի, կայացվել է ԱԴ թիվ 764278 որոշումը՝ վերջինիս
28.500 դրամ տուգանելու մասին:

2019թ. հունվարի 31-ին ծանուցագրի միջոցով, Երևան քաղաքի վարչության ՕԿԿ
գանգահարելու կապակցությամբ պարզաբանումներ տալու նպատակով՝ քաղ.
Գ.Մանգասարյանը հրավիրվել է ճանապարհային ոստիկանության ԳՊԾ բաժին, սակայն
չի ներկայացել:

Ըստ տեսուչների գրավոր բացատրությունների՝ իրավախախտումը ծառայողական
ավտոմոբիլի արագաչափ սարքով ֆիքսելուց հետո ավտոմոբիլը սահմանված կարգով
կանգնեցվել է, տեսուչ Մարտիրոսյանը մոտեցել է վարորդին, ներկայացել, հայտնել
իրավախախտման բնույթն և փաստաթղթերը ստուգելուց հետո կազմել է
համապատասխան արձանագրություն: Վարորդը չի ընդունել իր կողմից թույլ տված
իրավախախտումը, պատճառաբանելով, որ նշված տարածքում 60կմ/ժ առավելագույն
արագությունը սահմանափակող նշան տեղադրված չէ, ինչից հետո վերջինիս
պարզաբանվել է, որ տվյալ նշանի առկայությունը պարտադիր չէ, քանի որ նշված
տարածքում տեղադրված է «բնակավայրի սկիզբ» և «բնակավայրի վերջ»
ճանապարհային նշանները և դա նշանակում է, որ պետք է երթևեկել 60կմ/ժ
արագությամբ՝ հաշվանցելով 10կմ/ժ արագությունը: Վարորդին առաջարկվել է դիտել
իրավախախտման տեսագրությունը, սակայն վերջինս հրաժարվել է: Գ.Մանգասարյանը
հրաժարվել է բացատրություն տալուց, ստորագրելուց և որոշման իր օրինակը
ստանալուց: Տեսուչները ներկայացրել են իրավախախտման տեսագրությունը:

Այսպիսով, Գ.Մանգասարյանի արարքում առկա է Վարչական իրավախախտումների վերաբերյալ ՀՀ օրենսգրքի 124.4 հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Գ.Մանգասարյանի ահազանգը թողնել առանց բավարարման, իսկ ճանապարհային ոստիկանության ճՊԾ 2-րդ սպայական գումարտակի 3-րդ սպայական վաշտի 1-ին սպայական դասակի տեսուչ, ոստիկանության կապիտան Գ.Մարտիրոսյանի կազմած վարչական իրավախախտման արձանագրության հիման վրա 2019թ. հունվարի 14-ին կայացրած ԱԴ թիվ 764278 որոշումը՝ Գոռ Մանգասարյանին 28.500 դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ճՊԾ 2-րդ սպայական գումարտակ և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան

Կատարող՝ Զ.Մելքոնյան
հեռ.011-567944